

新家训

吾族自宋朝从江西迁湖南湘阴县至今已一千七百六十余年，承蒙宗祖护佑，子孙发达，各行各业，人才辈出，皆因吾族祖训严谨，子孙遵循，才得有此繁衍绵长，今为吾族更与时俱进，兴家强国，光宗耀祖，原革祖训，六修族谱特制定家训：

爱家国 念宗祖 尊父母 尽孝道

亲朋和 邻里睦 敬长贤 恤弱老

崇教育 勤耕读 慎言行 懂礼节

重诚信 匡正义 守法纪 戒恶习

兴家业 讲节俭 修品行 志高远

家語

天下之大良莠不齊齊之必賴國法一族之繁賢不肖者不一一之必賴家規則家之有規國之有法也然不教而誅非仁者之用心也故欲治其國者必先施之以政而後繩之以法欲齊其家者必先導之以訓而后縻之以規家乎可也先聖有言其家不可教而能教人者无之又曰家齊而后國治大夫如是則家之不可不正也矣茲揣錄先賢格言加以申述以爲齊家之訓并議禁条八則以爲齊家之規使吾族之眾有所準繩而警惕之也

家訓

一敬祖宗以爲本源物本乎祖溯源返本當思自出此孝子仁人具有同情者矣朱夫子曰祖宗虽远祭祀祖不可不誠教人勿忘本也吾族自宋際於贛遷湘至今遞傳二十餘世虽未克光先緒犹賴祖宗餘蔭爪綿椒衍繼繼繩繩士農工賈各安恒業家聲猶振追念前賢德澤能勿肅然尊之敬之也哉

二敦孝第以重论常

孔子曰人則孝出則弟又曰書云孝乎為孝友於兄弟是亦為政又曰孝者所以事親也悌者所以事長也此聖人立言設教以孝悌為本人倫為重其旨正矣讀蓼莪一詩鞠育劬勞其所謂欲報之德昊天罔極則為子者於父母之前當思身所自出而盡孝順者也兄弟分形同氣之人手足相親痛癢相關者也世俗愚夫或因財利而起忿爭或聽婦言而乖骨肉此大惑矣讀小雅棠棣八章則知兄弟情篤而相友悌者也

三時嫁娶以端夫婦

女有家男有室无相瀆也故為父母者於子女之間必及時而娶及時而嫁以了子平之願但婚男者必求淑女勿計厚奩嫁女者必擇賢婿毋索重聘旨哉斯言可儀可式蓋盡夫婦為人倫之本道之所由造端也以淑女配賢婿則夫以義率妻以順從鼓瑟鼓琴宜家室可以樂而不淫矣夫於是則父母克盡其孝順兄弟盡其友弟家道由是而止矣

四教子弟以務本業

一家之興也固賴有賢父兄尤賴有佳子弟孔子曰後生可畏以孔子之聖向以后生可畏則父兄之於子弟必加重視而施之以正當教育使之就正軌崇正道入孝出弟愛眾親仁言忠信行篤敬毋長驕傲毋縱慢遊再導之以嚴師輔之以友未有教而不善者也縱今資質遲鈍未克銳進高明即或家計寒微未能久讀亦必教之以道授之以方農也工也商也皆有生產能力倘能使之各歷精勤以成其業則仰事俯蓄可告無憂矣若徒姑惜溺愛任其逸樂閒遊無所事事致使士不士農不農工不工商不商孟子曰有恒產者有恒心無恒產者無恒心苟無恒產又無恒心放僻邪恥無不為矣勢必仰不足以事父母俯不足以蓄妻子則愛之者實害之也諺云貴自辛勤得富從儉約又云大富由命小富由勤小富者衣食足而已恒產而欲衣食足非勤本業莫之能也吾族其三復斯而勉之哉

五重喪葬以遵禮制

禮曰喪三日而殯凡附於身者必誠必信勿之有悔焉爾矣三月而葬凡附於棺者必

誠必信 勿之有悔焉 矣故會子曰慎子春曰用情凡以求其無悔也 人之貧富不一 而曰慎
用情蓋 有无皆可同也 孟子之后喪逾前喪勢也 亦何莫非此義也 吾族遇此大事虽有財力
不及者 未克厚葬而附身附棺必竭力營辦 以遵禮制 至于開堂延吊无益于亡人者 从節从
省用情而已 祭用家禮慎終而已 若夫僧道超為乃昇端耳 比其親于不義有之者孰如无之
者其各審之焉

六亲宗族以昭和睦

宗族乃一本之枝叶也 虽枝千叶万而貫原于一本 則关系之重大孰能及焉 其親之也
宜矣 自古名門巨族如張氏之忍 陳氏之義 以厚風俗以篤宗盟惟其親也 非徒往來飲食之
末而已 要在聯之以情 通之以義 維之以禮法 勿以細故而懷仇恨之心 勿乘危困而包禍
害之念 勿以彼之富貴而生嫉妒之志 勿以彼之貧賤而生厌恶之意 居常則時相勤勉有事
則竭力扶其孤 且貧者尤當為之設法調理 勿令无所歸依 我族素敦孝友 當思維美前賢
庶母隕越祖宗有知 亦慰于泉壤矣

七睦鄰里以寧鄉党

古者五家为鄰 二十五家为里 鄰里之間貴乎友助况里以仁为美 鄰以德不孤 兴仁德 亲尤足相資以成善也 吾族所居莫不有鄰 亦莫不有里 勿以细故而起争端 勿以小忿而生 仇隙 有無相濟 缓急相通 患難相恤 则睦鄰里矣 再道之明讓使厚風俗勸之本 务本業 使足衣食講之以法律使息爭訟 仁讓之風因近致远 則交也以道 接也以尊卑有別 長幼有序 則鄉黨之間自然寧矣

八擇交遊以端品行

近朱者赤 近墨者黑 與善人交如入芝蘭之室 久而不聞其香 與惡人交如入魚之肆 久而不聞其臭 凜哉 斯言也 故 君子之交也 以道而輔之也 以仁交相砥礪 以達於正道也 小人之交也 異於是 以飲食相徵 束以勢力進 諧其相交者偽也 或見利尽而爭先 或利盡之輩甚为害也 而交疏 甚至俟隙相攻 落井下石 此不足友者也 較洪水猛兽尤有甚焉 豈可近乎哉

九興學校以育英才

歐風東漸世际文明 我國當局對於教育力謀建設首在育英才以培國本 其用心深矣 吾祠于民國初年會創立華國族學旋改為武昌鄉第二十校址即以本祠為之訓導 室雖屬微狹然亦可容四十人創辦至今 已近念年教育縱未普及 而較之文化閉塞 時其識字青年可云眾矣 豈非主持者之得力 施教者之用心焉 惜範圍向小 經費尚微假使擴而充之 以盡其美則 吾族后啟英才輩出 大則可以興國 小亦可以振家厚望無窮其勉之也

十節儉以裕財用

當用不須慳蓋 言當用則用不能慳嗇 非導於奢華也 今人不察借斯言 而任意浪用揮金如土 無所顧慮縱 今美輪美奐之家 田連阡陌之產焉 能供其無節之虛靡也哉 居家貴崇節儉即如婚喪重大亦必稱家之有無 勿以貧而與富豪 勿以微而與貴比盛 量入為出因時制宜 裁冗費禁虛華 盡禮而已矣 至於衣食一丝一粟當思來處不易 但取其溫飽何必錦繡之華 珍饈之美諺 云積家犹如針挑土 敗家犹如浪推沙 此創業難守成不易之意也

言淺意深 居家者當之於斯焉

家規八條

一 士農工商須守本業 如有遊惰好閒 不務正業即屬

不孝之子弟 各房戶首務宜喚至宗堂 嚴加戒飭 至於學習 法打交接匪徒 恃眾恃符強牽強掘詐索財物 酗酒行兇 服毒尤賴籍端生事 大干法紀 無論分尊年長許 該族正嚴加懲責 違者公同送懲

二 族中子弟宜循長幼之節 凜尊卑之分 不得越分 干犯法如有橫暴之徒 逞其刁傲不順 父母不遵禮法 動輒辱罵尊長 拚命橫行 有犯此者 許本房父兄關同族正族長家法懲治 違者公同送懲

三 男聘女字務擇門戶相當 不得謀娶功婚 尤不得嫌貧愛富 至如撫養幼媳 自當視如己出 不得欺凌折 設有本夫身故 毋得兄收弟 弟納兄妻 有干倫紀 倘有愚昧無知 蹈此該族正協同房長理責令改婚 違者公全送懲

四 無嗣立繼務須關同族正房長於昭穆相當者擇賢擇愛擇聽從其便不得借故混爭如有收養異姓義子及遺棄小兒照例酌給財貲不得濫入宗譜或抱育嬰堂子必須印照為憑方準附譜不得假冒續宗至子貧苦之家生幼女者妄行淹斃大傷風化各房戶首務宜平日曲為開導互相稽查臨時設法保全免干法紀違者公同送懲

五 通族公祠理宜清靜整齊每歲必須修理以安先靈不得任其剝蝕傾圮如應修不修應檢不檢經管焉能辭責即各支祠亦宜恭設神龕享祀不忒不藉有公祠致荒煙祀如有刁徒挾私自便許該族及房長家法斥責不服者公同送懲

六 遠近祖墓務宜蓄禁修培如有自逞之徒當安厝時不顧尊卑不辨昭穆恃刁牽跨不告而葬許該族房長立即限遷或私伐公山樹木創挖草皮甚至有关來龍氣脉肆行開掘井毀殊屬不法一經查出許該族正家法懲治違者公同送懲

七 禁止牌賭凡族中子弟不務正業牌賭為事勢必傾家蕩產久則作歹為非有玷家聲必須惩治况禁令森嚴一經敗露勢必繩之以法或罰金或株留上辱宗祖下累妻孥更有窩賭之人律法尤重早宜省悟毋貽後悔有犯此者戶首斥責不服者公同送懲

八禁止偷竊 子弟不等事 理必至窮而無賴小而竹木柴薪蔬菜 大則鑿壁剝牆 殊干法紀
此等不肖子弟玷辱宗祖 有犯此者 本房父兄系同各房戶首嚴加束約 不服者公同出首 倘
有無知父母 徇庇主犯 不尊禮諭一 并送懲以敬刁風